

SADRŽAJ

.....

.....

1. Pozadina

Centri civilnih inicijativa krajem 2008. godine pokrenuli su projekat „Lokalna uprava za kvalitet života građana“, podržan od strane Evropske Unije. Osnovni cilj ovog Projekta je unaprijediti odgovornost lokalnih vlasti prema građanima, s naglaskom na 14 odabranih općina¹ u BiH, u vršenju lokalnih poslova i doprinijeti boljim uslovima života građana. Kao prvi od tri specifična cilja koji će doprinijeti ispunjenju osnovnog cilja Projekta definisali smo pružanje analitičkih informacija građanima ciljanih općina o efikasnosti rada njihovih lokalnih vlasti odnosno izabranih predstavnika u odnosu na ključne parametre koji čine kvalitet života građana, i to dva puta godišnje. Ovaj izvještaj predstavlja prvi odnosno preliminarni izvještaj od ukupno četiri koji će tokom trajanja projekta biti prezentovani javnosti.

Nadgledanjem rada lokalnih vlasti te kreiranjem baze podataka sa rezultatima nadgledanja uspostaviće se praksa nezavisnog praćenja rada lokalnih vlasti ali i stvoriti resurs za kontinuitet analize i vrednovanja rada vlasti. Pored neposrednog informisanja građana o nalazima praćenja rada vlasti cilj je da ovaj resurs pozitivno utiče i na sferu istraživačkog novinarstva, saradnju nevladinih organizacija, podršku akademskim istraživačima itd.

U zadnjih tri-četiri godine općine u BiH primile su značajnu finansijsku i tehničku podršku kako bi unaprijedile efikasnost svog rada². Otvorene su brojne šalter-sale, instalisani novi softveri i oprema te, generalno gledajući, efikasnost rada lokalnih upravo postepeno napreduje. Ipak, ovo je 'samo' tehnička strana priče – svakako nedovoljna. Građani su još uvijek nezadovoljni brojnim problemima unutar svojih zajednica kao i generalno nemogućnošću da neposredno učestvuju u procesima odlučivanja³. Za posljedicu imamo problematičan način utvrđivanje prioriteta kojima će se baviti lokalne vlasti (uglavnom bazirano na političkim agendama) te odsustvo poboljšanja uslova života građana u mjestima u kojima žive. Jednostavno govoreći, lokalne vlasti se gotovo ne osjećaju odgovornim za egzistencijalna pitanja građana, niti su im problemi i potrebe građana u fokusu interesovanja i primarno su, u svom radu, orijentisani prema interesima političkim partija (primjer – inicijative za smjenu načelnika iz političkih razloga koje su građani odbili – Teslić, Bos. Krupa, itd).

U ovakvom stanju, bez preciznih parametara i sistematskog praćenja promjena tokom mandatnog perioda, gotovo je nemoguće procjeniti stvarnu uspješnost rada bilo kojeg načelnika općina. Odsustvo analitičkih informacija o vrijednostima raznih aspekata 'kvaliteta života' građana (dostupnost, kvalitet i cijena komunalnih usluga, stanje infrastrukture u općini, zaposlenost, obrazovanje, socijalna zaštita, ulaganja u kulturu i sport, podrška radu nevladinih organizacija itd) i tendencijama kretanja tih vrijednosti na početku i kraju mandata načelnika, na daje mogućnost stvarne evaluacije rada jednog načelnika. Sve se na kraju svede na paušalne ocjene i predizborna ubjeđivanja građana/birača, s jedne strane, da su oni (načelnici) ipak postigli dobre rezultate, a, s druge (opozicione) da nisu uradili ništa. U takvoj situaciji građani nisu u mogućnosti objektivno pratiti rad načelnika tokom mandata (pa da to eventualno bude osnova za pokretanje procesa opoziva načelnika) niti mogu donijeti razumnu odluku baziranu na činjenicama tokom lokalnih izbora.

Dakle, unatoč poboljšanim upravnim procedurama, u ciljanim općinama nema ili su jako slabe osnove za nezavisno praćenje i vrednovanje rada vlasti tokom ili nakon mandata. U takvim okolnostima izabrani predstavnici 'plivaju' u obećanjima od izbora do izbora dok interesi građana u vezi sa kvalitetom života rijetko budu zadovoljeni.

Šta god napravile tokom svog mandata – lokalne vlasti pretstavljaju svoj rad kao uspješan, a u stvarnosti je to teško ocijeniti – dati konkretne činjenice/indikatore promjena, oslobođene od političkih ocjena i interesa, u smislu uspješnosti rada vlasti tokom 4 godine mandata.


¹ 14 opština koje su obuhvaćene projektom selektirane su na osnovu ranije utvrđenih kriterijuma koji uključuju različitost stepena razvijenosti, urbano – ruralnu orijentaciju, geografsku zastupljenost. Izabrane opštine su: Banjaluka, Tuzla, Novo Sarajevo, Mostar, Doboj, Pale, Foča, Trebinje, Bihać, Travnik, Široki Brijeg, Livno, Bijeljina i Zenica.

² Primjer; samo unutar Projekta Upravne Odgovornosti (GAP) koji je proveden tokom 2004 – 2007 god, 41 opština je primila značajna sredstva i tehničku asistenciju (vrijednost projekta bila je preko 20 mil. USD – izvor <http://www.lokalna-uprava.ba/>) u svrhu jačanja efikasnosti rada.

³ Ovo je jedan od zaključaka istraživanja 'Status učešća građana u procesima odlučivanja u BiH za 2007'; cijeli izvještaj dostupan na www.ccibh.org

Pristup CCI-a u ovom projektu polazi od činjenice da su lokalne vlasti nadležne i odgovorne za brojne oblasti koje značajno utiču na kvaliteta života građana, te je to osnov za inicijativu u vezi sa konkretizovanjem njihove odgovornosti za obezbijevanje boljeg kvaliteta života građana.

U pripremi ovog projekta CCI je uradio istraživanje na temu 'percepcija građana pitanja kvaliteta života' kroz niz fokus grupa sa građanima u 5 većih gradova u BiH – koji su dijelom obuhvaćeni ovim projektom. Tom prilikom građani su dali odgovor kako oni vide aspekte kvaliteta života, koje bi trebale zadovoljiti njihove lokalne vlasti. Grafikoni ispod pojašnjavaju stavove građana i predstavljaju oblasti kao i prioritete unutar tih oblasti kojim bi se lokalne vlasti trebale baviti.



Analizom nadležnosti i raspoloživih resursa općina, te, mjerenjem konkretno urađenog od strane lokalnih vlasti i stavljanjem tih rezultata u kontekst ukupnog stanja u pojedinim oblastima problemi će, s jedne strane, biti jasno identifikovani i adresirani načelnicima uz zahtjeve za hitno djelovanje a s druge strane građanima će biti stavljen na raspolaganje nezavisan izvor informacija koje će im pomoći u njihovom političkom opredjeljivanju i djelovanju.

2. Metodologija

Na početku aktivnosti na izradi općinskih izvještaja o stanju indikatora kvaliteta života, osoblje CCI izvršilo je pripremne aktivnosti u smislu kreiranja liste indikatora i njihovog grupisanja na osnovu srodnosti i mogućnosti što jednostavnije sistematizacije. Želeći da sagledamo što veći broj indikatora i njihovo stanje približimo građanima, pojavio se problem preobimnosti i širokog spektra podataka koje treba obuhvatiti. Ipak, svi definisani indikatori grupisani su u 8 osnovnih kategorija za koje se sa sigurnošću može reći da predstavljaju najznačajnije indikatore kvaliteta života građana u zajednici.

Prvo snimanje stanja vršeno je završno sa 31.12.2008. godine, nakon čega su se mogle napraviti prve komparativne analize među gradovima u BiH. Zbog različitosti u broju stanovnika odnosno veličini općina obuhvaćenih Projektom, većina podataka u komparativnom dijelu iskazana je procentualno u smislu stepena izdvajanja sredstava iz budžeta općine, ili u odnosu na jednog stanovnika.

Primarni izvor informacija bili su razni dokumenti⁴ koje su kreirale lokalne uprave, korespondencija sa kontakt osobama u općinama i javnim preduzećima koje su dostavljale odgovore na postavljena pitanja, zabilješke sa

⁴ Službeni glasnici, budžeti općina, Izvještaji i programi rada, odluke, zaključci, rješenja, te strategije razvoja i druge studije

praćenja sjednica SO/OV, te drugi analitički izvještaji rađeni u proteklom periodu. Sekundarni izvor informacija bili su podaci objavljeni u medijima i internet prezentacijama lokalnih uprava i javnih preduzeća, te podaci zavoda za statistiku RS i FBiH. Obzirom da se radi o preliminarnom izvještaju, nisu prikupljeni podaci metodama istraživanja javnog mnijenja, ali će to svakako biti praksa u budućim izvještajima.

Problemi sa kojima smo se susretali su raznoliki. Sporost dostavljanja nekih traženih informacija, dostavljanje nepreciznih, uopštenih ili netačnih informacija, različiti podaci iz različitih izvora po istom pitanju, te maglovite i neprecizne stavke u budžetima općina, bile su osnovne prepreke. Pored toga, za pouzdan analitički prikaz potrebno je bilo uzeti u obzir i različite nadležnosti koje imaju lokalne uprave u RS i FBiH, obzirom na postojanje srednjeg nivoa vlasti u FBiH.

3. Opšti podaci o općini

Zenica je grad smješten u kotlini rijeke Bosne na nadmorskoj visini 316 metara. Jedan je od privrednih centara BiH. Udaljena od Sarajeva 70 kilometara, sjeverno, dolinom rijeke Bosne. Najbliži aerodrom je u Sarajevu.

Površina	500 km kvadratnih
Geografska širina i dužina	44° 12' i 17° 56'
Nadmorska visina	316 m

Prije drugog svjetskog rata grad je imao 15.000 stanovnika, pred ovaj rat imala je 145.000 stanovnika, a danas oko 130.000. U strukturi zeničkog stanovništva registrovani su pripadnici različitih naroda kultura vjera i obicaja.

Stranka demokratske akcije, koja je na lokalnoj političkoj sceni bila vladajuća stranka i prije posljednjih Općinskih izbora, učvrstila je svoju vlast na izborima održanim 5. oktobra 2008. godine. Mandat je obnovio i načelnik općine Husejin Smajlović, koji ima čvrstu skupštinsku većinu. U njoj su sa zvaničnim statusom koalicionih partnera još i vijećnici Stranke za BiH. Ovu većinu podržava i predstavnik nacionalnih manjina.

Rezultat posljednjih općinskih izbora u BiH je Općinsko vijeće Zenice u kome je, od ukupno 31, 15 vijećnika iz SDA, 5 iz SDP-a, po 3 iz BPS-a i Stranke za BiH, 2 iz Hrvatske koalicije za Zenicu i po jedan iz NSRZB, Stranke demokratske aktivnosti za evropsku BiH i pretstavnik nacionalnih manjina.

Nakon posljednjih opštih izbora nije došlo do značajnijih promjena u funkcionisanju izvršne vlasti, niti personalnih promjena.

Prihodi Budžeta Općine Zenica za 2009. godinu planirani su u obimu od 44 miliona i 625 hiljada KM i u odnosu na utvrđeni Nacrt, o kome je bila javna rasprava, viši su za 4,69 procenata, odnosno dva miliona KM. Porezni prihodi iznose 21 milion i 116 hiljada KM, neporezni prihodi 16 miliona i 288 hiljada KM, u strukturi prihoda još su 'tekuće potpore' (grantovi) u visini od 1.060.000 maraka, 'primici' od 4.161.000 maraka i 2 miliona maraka u stavci 'namjenske doznake'.

Plan Budžet 2008 (KM)	Izvršenje Budžet 2008 (KM)	Plan Budžet 2009 (KM)	Rebalans Budžet 2009 (KM)
48.800.000 KM	44.058.363 KM	44.625.000 KM	Nije bilo rebalansa sa 30.06.2009.g.

2.1. KOMUNALNE USLUGE

Procjene su da je 63 osto domaćinstava na području općine Zenica obuhvaćeno organizovanim odvozom smeća na gradsku deponiju. Segregacija smeća na javnim mjestima organizovana je na 20 lokacija, a prema procjenama u općini polovina preduzeća u Zenici vrši odvojeno prikupljanje folije i ostalog otpada.

Grijanje za individualne potrošače u Zenici građani koji žive u stanovima plaćaju po kvadratu 1,12 maraka mesečno za period od 12 mjeseci ili 2,24 za šest mjeseci. Procjene su da je oko 20.000 stanovnika obuhvaćeno grijanjem iz centralne gradske kotlovnice. Cijene grijanja je za individualne potrošača u Zenici niža nego što je u većini drugih gradova BiH, ali je za privredne subjekte previsoka, jer je definisana prema predratnoj, kada je njihova ekonomska moć bila mnogo veća.

Gotovo 95% domaćinstava na području općine Zenica je priključeno na gradsku vodovodnu mrežu, što je među najvećim procentima u odnosu na veće gradove u BiH. Kapacitet glavnog izvora Kruščica je 400 l/s, ali tokom ljetnjih sušnih perioda ima isključenja. Kapacitet izvorišta Babina rijeka je 200 l/s, Srmešljaka 20 l/s, a Klopče 5 l/s. Kubni metar vode u Zenici građani plaćaju 0,40 KM.

Gradskom kanalizacijom je obuhvaćeno 80 odsto domaćinstava, a Zeničaci uslugu odvoda plaćaju na osnovu količine kubika utrošene vode.

Zenica spada u gradove BiH sa najnižom cijenom godišnjeg zakupa grobnog mjesta, koje iznosi 14,04 KM.

Budžetska stavka	Plan za 2008. g.	Realizacija za 2008.g.	Plan Budžeta za 2009.g.	Rebalans Budžeta za 2009. g.
Troškovi za javnu rasvjetu	930.000 KM	900.000 KM	950.000 KM	Nije bilo rebalansa sa 30.06.2009.godine
Izgradnja i opravka javne rasvjete i signalizacije	600.000 KM	585.000 KM	500.000 KM	Nije bilo rebalansa sa 30.06.2009.godine
Izgradnja vodovodne mreže u MZ i grantovi za vodorivredu u MZ	-	-	400.000 KM	Nije bilo rebalansa sa 30.06.2009.godine

2.2. ZAPOSŁJAVANJE

Prema podacima iz Općine Zenica, sa 31.12.2008. godine zaposlenih je bilo 26.812, a na evidenciji nezaposlenih 19.630.

Posljednji zvanični podaci iz Općine govore o padu broja zaposlenih i povećanju broja nezaposlenih lica u općini Zenica - zaključno sa 31.03.2009. godine zaposlenih je ukupno 26.205, a nezaposlenih, zaključno sa 31.05.2009. je 20.531. Međutim, prema podacima iz Privredne komore Ze-Do kantona, u prvoj polovini 2009. godini je u odnosu na broj zaposlenih na kraju 2008. godine bez posla ostalo 4.500 radnika, od kojih su prema procjenama dvije trećine iz općine Zenica.

U budžetu Općini Zenica nema stavke za direktne podsticaje za zapošljavanje novih radnika. Ipak, postoje indirektni programi lokalne uprave koji utiču na privlačenje investicija privatnog sektora kroz Projekat Biznis inkubator, kojim se stvaraju uslovi za formiranje i rast malih preduzeća. Tako je sa 31.12.2008. godine kroz taj projekat obuhvatio 20 malih preduzeća sa oko 150 zaposlenih, a sa 30.06.2009. godine povećan je broj preduzeća na 22, ali je smanjen broj zaposlenih u njima na 120 radnika.

U općini postoji program odrađivanja pripravničkog staža putem lokalne razvojne Agencije «ZEDA» prijemom volontera na godinu dana. Trenutno, 6 volontera – dipl. pravnika je obuhvaćenih programom odrađivanja pripravničkog staža.

2.3. ZDRAVSTVENA I SOCIJALNA ZAŠTITA

U Zenici je u 2008. godini za primarnu zdravstvenu zaštitu iz općinskog budžeta izdvojeno 150 hiljada maraka. U općini je registrovana jedna javna ustanova „Dom zdravlja“ sa deset objekata porodične medicine i 15 objekata Opće medicine. JU „Dom zdravlja“ ukupno zapošljava 85 ljekara ili jednog ljekara na 2.000 stanovnika. JU raspolaže sa pet vozila hitne pomoći. Pitanje participacije za osigurana lica uređeno je kantonalnim propisima.

U segmentu socijalne problematike u odnosu na podatke od 31.12.2008. godine, sa 30.06. 2009. godine broj korisnika javne kuhinje porastao je za 36.

Na kraju prošle godine ih je bilo 1976, a sa 30.06. 2009. godine 2012. Prema evidenciji općine ukupno je 645 korisnika stalne novčane pomoći. U 2008. godini izgrađeno je ukupno šest stambenih jedinica za socijalno ugrožene.

Roditelji smeštaj djece u vrtićima u ovom gradu plaćaju 120 maraka.

U budžetu općine Zenica za 2008. godinu budžetskom stavkom predviđena su sredstva od 1.200.000 KM za subvencije socijalno ugroženim licima po odluci Vijeća, kao i još 250.000 za iste namjene za korisnike stalne novčane pomoću. U budžetu za 2009. godinu stavka Grantovi pojedincima sadrži 'subvencije grijanja', ali je nejasno u kom iznosu su predviđena ovogodišnja sredstva.

2.4 OBRAZOVANJE

U općini Zenica postoji jedna javna ustanova za predškolski odgoj i obrazovanje, a u općinskom budžetu ne postoji stavka namjenjena za subvencioniranje boravka djece u toj ustanovi.

Zenica ima 18 osnovnih i 11 srednjih škola, godišnja upisnina za srednjoškolce iznosi 40 maraka.

Zenica posjeduje sedam fakulteta, a općina, u ukupnom broju stipendiranih učestvuje sa 16 stipendija.

eŠbrbDbŠDža0vDbrDCsJžlvDr5sDDsić0vJr5bSJ5zž0brS5bDDsal

PkrŠŠ445SžlvDr5sDDsal0vk4D4S5žn□0vskDŠDSkž 0vsr4sDJžžB0vDrSkSbŠžu0vbr4Sksb4žd0srSJsžž0vsSJS4sSžeŠbr

Stipendije BIZ Zenica	300.000 KM	262.000 KM	300.000 KM	Nije bilo rebalansa sa 30.06.2009.godine
Studentski krediti	400.000 KM	441.400 KM	500.000 KM	

2.5 PUTNA INFRASTRUKTURA

Rješavanje putne infrastrukture je regulisano godišnjim Planom izgradnje, uređenja i održavanja grada i putne mreže. Prema planu za 2008. godinu je, za ovu namjenu, iz općinskog i budžeta ZDK planirano po 3,5 miliona maraka.

U odnosu na prošlogodišnja sredstva u ovoj su, zbog recesije, znatno smanjena sredstva iz općinskog, kao i kantonalnog budžeta. Tako je u budžetu općine za te namjene u 2009. godini planirano 2,2 miliona maraka, a kantonalnog 1,15 miliona maraka. Sredstva su prema Planu za ovu godinu namijenjena za rješavanje najprioritetnijih potreba na putnoj infrastrukturi, kao i započetih aktivnosti iz prošle godine.

U segmentu parkinga u gradu sa 31.12.2008. g. bilo je raspoloživih 471 parking mjesto i još 690 rezer-visanih. U prvoj polovini 2009. promjena je u broju parking mjesta u gradu, tako ih sada za rezervaciju ima 563, a 510 ih je rezervisano. Cijena parkinga je 1,00 KM za sat, na nekim mjestima i do 2 KM.

Budžetska stavka	Plan Budžeta za 2008.g.	Realizacija Budžeta za 2008.g.	Plan Budžeta za 2009. g.	Rebalans Budžeta za 2009. g.
Tekuće održavanje i opravka putne mreže	3.500.000 KM	2.541.520 KM	2.200.000 KM	Nije bilo rebalansa sa 30.06.2009.godine
Zimska služba	850.000 KM	822.457 KM	850.000 KM	Nije bilo rebalansa sa 30.06.2009.godine
Izdaci za komunalnu higijenu	4.500.000 KM	3.113.152 KM	3.275.000 KM	Nije bilo rebalansa sa 30.06.2009.godine

2.6. JAVNI PRIJEVOZ

Općina Zenica ima dugogodišnju tradiciju u javnom prijevozu, prevoznika preduzeća, kao i organizovan javni taksi prijevoz već 30 godina. U gradskom saobraćaju funkcioniše 13 gradskih linija, a u prigradskom 29. Sa 31.12.2008. godine cijena karte javnog prijevoza za zonu 1 i 2 bila je 1,00 KM – 3,50 KM, a cijena mjesečne karte po kategorijama 44,00 KM – 154,00 KM.

Prema smjernicama Vlade ZDK, početkom marta 2009. godine svim prijevoznicima preporučeno je da zbog recesije, ali i smanjenja cijena goriva, koriguju cijene prijevoza u javnom saobraćaju za 10 odsto. Samo manji dio preduzeća je tu preporuku uvažio.

2.7. KULTURA, SPORT, TURIZAM I NVO

Općina Zenica posjeduje po jedan bioskop, muzej i pozorište, a nema umjetničku galeriju. Na području općine je svega tri Doma kulture koji su u upotrebi. Za šest mjeseci prosječno se održi oko 50 kulturnih priredbi i događaja.

U oblasti kulture Zenica je poznata po brojnim tradicionalnim manifestacijama („Zeničko proljeće“ i dr.). Poznata je i po pozorištu, koje ima dugu tradiciju u ovom gradu. U 2008. godini iz općinskog budžeta Zenice za kulturu je izdvojeno 350.000 maraka. Međutim, pored finansiranja iz općinskog, institucije iz oblasti kulture u ovom gradu dobijaju sredstva vao'3a'ćiBf'č'')ćmBf3č'')(ć,Bf-ć)'3I'm,,a-ć)'3I'mgoe ćjB-č-'-'ććuB3č'')'ćdBIčG-(GIčžBf-č"-3'ćeB-čZZ))'ćtBfIIč3-G3

2009. godinu za te namjene još je predviđeno 10 miliona KM. Sport u Zenici se takođe dijelom finansira iz budžeta Zeničko-dobojskog kantona.

Za razvoj turizma, u čijem finansiranju učestvuje i Kanton, iz općinskog budžeta je, u 2008. godini, otišlo 60 hiljada. U općini aktivno djeluje Turistička zajednica Ze-Do kantona.

U prvoj polovini 2009. godine su izdvajanja za kulturu, sport, turizam, kao i projekte NVO u manjem obimu nego što je to bilo u istom razdoblju prošle godine.

Budžetska stavka	Plan za 2008.g.	Realizacija za 2008.g.	Plan Budžeta za 2009. g.	Rebalans Budžeta za 2009. g.
Sredstva za održavanje sportskih objekata	280.000 KM	244.900 KM	280.000 KM	Nije bilo rebalansa sa 30.06.2009.godine
Sredstva za sport	400.000 KM	323.690 KM	320.000 KM	Nije bilo rebalansa sa 30.06.2009.godine
Sredstva za kulturu	350.000 KM	308.295 KM	300.000 KM	Nije bilo rebalansa sa 30.06.2009.godine
Finansiranje Udruženja građana iz oblasti socijalne zaštite	150.000 KM	189.104 KM	210.000 KM	Nije bilo rebalansa sa 30.06.2009.godine
Projekti nevladinih organizacija	100.000 KM	50.209 KM.	70.000 KM	Nije bilo rebalansa sa 30.06.2009.godine
Sredstva za realizaciju strategije za mlade	50.000 KM	0,00	50.000 KM	Nije bilo rebalansa sa 30.06.2009.godine
Grantovi za mlade	80.000 KM	68.100 KM	80.000 KM	Nije bilo rebalansa sa 30.06.2009.godine

2.8. LOKALNA UPRAVA KAO SERVIS GRAĐANIMA

Općinska uprava sistematizovana je, odnosno u njoj prema podacima sa 31.12.2008. godine radi 314 radnika.

Paušal u Zenici za vijećnike sa 31.12.2008. godine iznosio je 300 maraka, koji još dobijaju i 100 maraka za prisustvo na sjednici Općinskog vijeća. Paušal za vijećnike u ovoj godini povećan je na 500 maraka, a 100 maraka za prisustvo sjednici Općinskog vijeća ostalo je na ranijem nivou.

U Zenici je taksa za zaključenje braka radnim danima deset, a vikendom 50 maraka. Cijena ovjere dokumenata u općini je dvije KM po stranici, na stranom jeziku četiri KM.

U općini funkcionišu 70 mjesnih zajednica koje imaju konstituisane Savjete i Skupštine MZ. U prošlog godini iz općinskog budžeta izdvojeno je 75.000,00 KM za redovnu djelatnost, 80.000,00 KM za adaptaciju prostora i 240.000,00 KM za adaptaciju domova.

Općina ima usvojenu Strategiju razvoja općine Zenica od 2002. do 2015. godine.

Posjeduje moderno uređenu šalter salu, ali nema certifikat za kvalitet rada lokalne administracije (ISO i drugi standardi). Što se tiče transparentnosti rada lokalnih vlasti, Načelnik Općine svakodnevno prima građane prema raspoloživom vremenu i prioritetu obaveza.

Broj registrovanih preduzeća i radnji na području općine prema podacima sa 31.12.2008. godine bio je 1560 preduzeća i 4135 radnji (sve djelatnosti).

Prostorno-planska dokumentacija u općini uglavnom postoji, a neki dijelovi su u izradi. Cijena građevinske dozvole za fizička i pravna lica je, zavisno od namjene i zone, 5 do 100 KM/m², uvećano za administrativne takse koje iznose do 50 KM. Čekanja na dozvole su u zakonskom roku do dva mjeseca. Cijene građevinske rente su zavisno od zone i namjene u rasponu od 0,01-1,6 KM/m².

Budžetska stavka	Plan Budžeta za 2008. g.	Realizacija Budžeta za 2008. g.	Plan Budžeta za 2009. g.	Rebalans Budžeta za 2009. g.
Naknade troškova zaposlenih i skupštinskih zastupnika	154.000 KM	135.615 KM	190.000 KM	Nije bilo rebalansa sa 30.06.2009.godine
Naknade vijećnicima i komisijama Vijeća	290.000 KM	324.190 KM	344.000 KM	Nije bilo rebalansa sa 30.06.2009.godine
Transfer za finansiranje parlamentarnih grupa	150.000 KM	148.024 KM	200.000 KM	Nije bilo rebalansa sa 30.06.2009.godine

⁵ Proračuni i poređenja pravljani su na osnovu podataka u planovima budžeta za 2008. koji su bili na snazi u decembru 2008.

⁶ „Izveštaj o napretku reforme javne uprave u BiH“, CHP Doboj, 2007.

⁷ Izvor: Ministarstvo za državnu upravu i lokalnu samoupravu Srbije

⁸ Ovaj iznos smanjen je u 2009. godini za 15%, ali i dalje predstavlja enormno viši iznos nego u ostalim opštinama

⁹ Plus 120 KM po održanoj sjednici

¹⁰ Plus 100 KM po održanoj sjednici

¹¹ Plus 150 KM mjesečno za jednu ili više održanih sjednica u toku mjeseca.

¹² Stavka ne uključuje iznos od 6,1 mil KM ili 3,8% od ukupnog budžeta koji se izdvaja z predškolsko obrazovanje

¹³ Stavka ne uključuje iznos od 640.000 KM ili 7,6% od ukupnog budžeta koji se izdvaja za prevoz učenika, i procenutalno je najveći u poređenju sa ostalim opštinama

¹⁴ Najveći broj studenata stipendira se sa nivoa ZE-DO kantona

			—	
				—
		-	—	
				—

¹⁵ U 2009. došlo je do poskupljenja, pa je trenutna cijena 0,71 KM/m³ za vodu, odnosno 0,18 KM/m³ za kanalizaciju

			—
		—	
			—
	—	—	
	—		

Izveštaj o radu načelnika i općinskih službi razmatran je na 6. martovskoj sjednici OV. Kao jedan od rezultata rada načelnika, u izvještaju za 2008. godinu istaknuto je redovno komuniciranje sa građanima, te da je u tom periodu direktno primio i razgovarao sa 2.750 građana.

U izvještaju je istaknuto da je akcenat u radu načelnika bio na implementaciji prioriternih razvojnih projekata iz Strategije razvoja općine Zenica, a to su: Poslovna zona «Zenica 1», «Poduzetnički inkubator» i «Naučno-tehnološki park».

Takođe, istaknuto je da je općinska vlast, na čijem je Načelnik čelu, učestvovala u implementaciji projekata koji direktno ili indirektno utiču na razvoj poduzetništva, kao što su: stavljanje u funkciju privrede omladinskog naselja Nemila, izrada Strategije razvoja regije Centralna BiH, studija izvodljivosti "Gasifikacija Zenice", projekat Poduzetnički razred, takmičenje općina u projektu Beacon šeme na temu «Podrška pokretanju i razvoju MSP-a» gdje je općina Zenica proglašena najuspješnijom općinom sa statusom „Beacon općina u 2008 godini“. Kao rezultate rada općinski načelnik u izvještaju za 2008. godinu navodi i organizovanje manifestacije «Otvoreni dani općine» gdje je predstavnicima drugih općina i institucija izvršena prezentacija razvoja općine Zenica, uspostavljanje saradnje domaćih firmi sa austrijskim firmama preko Austrijske ambasade u BiH i dr.

Za usvajanje izvještaja načelnika općine glasali su i vijećnici iz opozicionih stranaka. Načelnik je taksativno izložio Plan rada u 2009. godini, koji je takođe prihvaćen.

Činjenica da je Budžet općine Zenica za 2008. godinu bio planiran u iznosu od 48.000.000, a da je ostvaren sa 44.058.363 marke, ukazuje da je uravnoteženje prihoda i rashoda bilo neophodno uraditi i tokom 2009. godine. Posebno jer je općina Zenica jedna od rijetkih općina u BiH koja budžet za 2009. godinu nije uskladila sa dinamikom prihoda u općinsku kasu, odnosno njihovog smanjenja usled negativnih novčanih tokova.

Da situacija u opštini, posebno privredna, nije ni izbliza povoljna govori podatak da je u prvom polugodištu ove godine bez posla ostalo 4.500 radnika.

Aktuelna opštinska vlast nije vodila računa o sveopštoj finansijskoj krizi, pa je povećala izdvajanja za plate zaposlenih u ovoj u odnosu na prošlu godinu.

Dodatak 1: VIJEĆNICI SKUPŠTINE OPĆINE ZENICA

STRANKA DEMOKRATSKE AKCIJE

AHMETSPAHIĆ NAIDIN
POJSKIĆ BELMA
ČOLAKOVIĆ SELMIR
IMAMOVIĆ JASMIN
NOVALIĆ KASIM-KAĆO
ŠIŠIĆ IBRAHIM
KARALIĆ ĆAZIM
ČEHIĆ EDHEM
ŠABIĆ NERMIN
LUŽIĆ MIDHAT-SEJO
HUSEJNOVIĆ MUNIR
BOLIĆ NUSRET
DIZDAREVIĆ IBRAHIM
POJSKIĆ AMRA
SKOMORAC RASIM

SOCIJALDEMOKRATSKA PARTIJA BiH

ZAIMOVIĆ-UZUNOVIĆ NERMINA
BOŠNJAK VINKO
MUJKANOVIĆ SAID
HIBIĆ DERVIŠ
HRNKAŠ SLAVICA

BOSANSKOHERCEGOVAČKA PATR. STRANKA -SEFER HALILOVIĆ

MUJIĆ ŠEMSO
DRLJEVIĆ HARUN
DIZDAR SELVER

STRANKA ZA BiH

NIKOLIĆ NEBOJŠA - Predsjedavajući Vijeća
IMAMOVIĆ ENES
ČOLAKOVIĆ SULJO

HRVATSKA KOALICIJA ZA ZENICU HDZ BiH HDZ 1990 HSS-NHI HNZ

PERIĆ ŽELJKO
LJUBANIĆ ŽELJKO

NARODNA STRANKA RADOM ZA BOLJITAK

FEJZIĆ EDHEM

STRANKA DEMOKRATSKE AKTIVNOSTI ZA EVROPSKU BiH

PATKOVIĆ ŠERIF

NACIONALNE MANJINE

MUSIĆ SALKO

Dodatak 2: OPĆINA ZENICA - Uprava i administracija

Služba	Ime i prezime
Načelnik općine	Husejin Smajlović
Služba za opću upravu i stambene poslove Pomoćnik Načelnika za opću upravu i stambene poslove	Čeliković Aerzemana
Služba za ekonomske odnose i poduzetništvo Pomoćnik Načelnika za ekonomske odnose i poduzetništvo	Anđelić Jugoslav
Služba za budžet i finansije Pomoćnik Načelnika za budžet i finansije	Selimović Dževad
Služba za prostorno uređenje Pomoćnik Načelnika za prostorno uređenje	Karić Semira
Služba za komunalne poslove Pomoćnik Načelnika za komunalne poslove	Pezo Mubera
Služba za društvene djelatnosti, socijalnu zaštitu, raseljena lica i izbjeglice Pomoćnik Načelnika za društvene djelatnosti, socijalnu zaštitu, raseljena lica i izbjeglice	Softić Zijad
Služba za boračko-invalidsku zaštitu Pomoćnik Načelnika za boračko-invalidsku zaštitu	Rešić Nihad
Služba za inspekcijske poslove Pomoćnik Načelnika za inspekcijske poslove	Dujmović Ivica
Služba civilne zaštite Pomoćnik Načelnika za civilnu zaštitu	Serdarević Midhat
Uprava za imovinsko-pravne, geodetske poslove i katastar nekretnina Direktor Uprave za imovinsko-pravne, geodetske poslove i katastar nekretnina	Ličina Hazbo
Stručna služba vijeća i Načelnika Direktor Stručne službe Vijeća i Načelnika	Brajić Dževdana
Služba za zajedničke poslove Direktor Službe za zajedničke poslove	Dedić Senada
Sekretar općine (općinske uprave)	Keleštura Selver
Savjetnik načelnika za prostorno uređenje i komunalne poslove	Husremović Muhamed
Savjetnik načelnika za ekonomske odnose i poduzetništvo	Pašić Muhamed

